

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 16 MAC 2016, PUKUL 10.00 PAGI

Bil. 7

PERTANYAAN-PERTANYAAN BAGI JAWAB LISAN

1. PR-1341-L72244
Tan Sri Datuk Seri Panglima Annuar bin Musa [Ketereh] minta **PERDANA MENTERI** menyatakan bentuk kerjasama serantau antara negara ASEAN dalam menangani krisis ketidaktentuan ekonomi pada masa kini dan apakah kata sepakat yang telah dicapai agar ekonomi serantau kekal mapan dan terus berkembang.
2. PR-1341-L72596
Tuan Chua Tian Chang @ Tian Chua [Batu] minta **MENTERI PERTAHANAN** menyatakan adakah benar Malaysia sebahagian daripada gabungan tindakan tentera yang dipimpin Arab Saudi untuk menyerang Syria. Jika benar, mengapakah pihak Kementerian tidak mendapatkan kelulusan Parlimen.
3. PR-1341-L73598
Dato' Sri Hasan bin Malek [Kuala Pilah] minta **MENTERI PERTANIAN DAN INDUSTRI ASAS TANI** menyatakan apakah mekanisme yang diambil oleh Kementerian untuk membantu petani luar bandar memasarkan produk mereka bagi menjamin kelangsungan petani-petani ini.
4. PR-1341-L73576
Tuan Er Teck Hwa [Bakri] minta **MENTERI PEMBANGUNAN WANITA, KELUARGA DAN MASYARAKAT** menyatakan bilangan isi rumah kategori miskin dan miskin tegar serta penerima bantuan am Jabatan Kebajikan Masyarakat mengikut daerah tahun 2000 hingga 2016. Adakah Kementerian berhasrat untuk menaikkan kadar bantuan am, jika tidak, mengapa.
5. PR-1341-L73517
Datuk Dr. Ewon Ebin [Ranau] minta **MENTERI TENAGA, TEKNOLOGI HIJAU DAN AIR** menyatakan :-
 - (a) sama ada pihak Kementerian bercadang untuk membina loji bekalan air mentah yang baru di Ranau berikutan dengan kerosakan loji sedia ada, ketika berlaku gempa bumi tahun lalu; dan

- (b) sekiranya ada cadangan, bila dan dimanakah ia akan dibina.
6. PR-1341-L72962
Tuan Nga Kor Ming [Taiping] minta **MENTERI KEWANGAN** menyatakan secara terperinci berapakah jumlah wang yang dihantar balik oleh pekerja-pekerja asing kepada negara asal mereka mulai dari tahun 2010 mengikut tahun dan negara asal mereka.
7. PR-1341-L71621
Dato' Haji Mohd Zaim bin Abu Hasan [Parit] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan takrif harga rumah mampu milik yang berbeza harga antara negeri. Apakah garis panduan yang ditetapkan bagi penentuan harga bagi rumah tersebut.
8. PR-1341-L72639
Puan Nurul Izzah binti Anwar [Lembah Pantai] minta **MENTERI SUMBER MANUSIA** menyatakan :-
- (a) mengapa masih terdapat 200,000 siswazah berijazah pengajian tinggi (IPT) yang dilaporkan masih gagal mendapatkan pekerjaan walaupun telah menamatkan pengajian sejak 2 tahun lalu; dan
- (b) apakah rancangan Kementerian untuk mengurangkan kadar pengangguran di Malaysia.
9. PR-1341-L72012
Tuan Anyi Ngau [Baram] minta **MENTERI KEMAJUAN LUAR BANDAR DAN WILAYAH** menyatakan jumlah keseluruhan peruntukan kewangan yang telah diluluskan Kementerian untuk menaikkan taraf jalan balak di Sarawak amnya dan untuk kawasan P.220 Baram khususnya. Nyatakan lokasi, status pelaksanaan dan jumlah peruntukan untuk setiap lokasi di kawasan Baram sehingga setakat ini.
10. PR-1341-L72574
Puan Alice Lau Kiong Yieng [Lanang] minta **MENTERI DALAM NEGERI** menyatakan :-
- (a) jumlah kes jenayah senjata api yang berlaku di Sarawak dan Sibu sejak tahun 2006 hingga 2016 dan bilangan kes yang telah disiasat, bilangan kes yang masih dalam siasatan dan bilangan telah dibawa ke mahkamah; dan
- (b) langkah yang telah dan akan diambil untuk menangani jenayah senjata api.
11. PR-1341-L71912
Datuk Dr. Haji Abd. Latiff bin Haji Ahmad [Mersing] minta **MENTERI KERJA RAYA** menyatakan berapa peratus pemaju binaan telah mengguna pakai Sistem Bangunan Berindustri (IBS) serta bilakah ianya dapat dilaksanakan sepenuhnya di negara ini.

12. PR-1341-L73252
Tuan Nik Mohamad Abduh bin Nik Abdul Aziz [Pasir Mas] minta **PERDANA MENTERI** menyatakan langkah bagi menyekat perkembangan Islam Liberal di Malaysia.
13. PR-1341-L73204
Datuk Rozman bin Isli [Labuan] minta **PERDANA MENTERI** menyatakan tahap keberkesanan program Kerajaan dalam pemilikan individu bumiputera di dalam hartanah sama ada rumah kedai ataupun kediaman pada ketika ini.
14. PR-1341-L73461
Dr. Mohd Hatta bin Md. Ramli [Kuala Krai] minta **MENTERI KEWANGAN** menyatakan apakah langkah-langkah Kerajaan mengatasi dan mengawal hutang negara dari melepasi paras siling 55%.
15. PR-1341-L71741
Dato' Henry Sum Agong [Lawas] minta **MENTERI PENDIDIKAN** menyatakan :-
 - (a) apakah perkembangan selanjutnya mengenai pelaksanaan SK Long Sukang yang tergendala sekian lama dan berapa buah sekolah di Parlimen Lawas yang mendapat peruntukan untuk menggantikan bangunan lama dan yang usang; dan
 - (b) apakah kemudahan yang disediakan untuk OKU khususnya dalam pendidikan yang memerlukan kemudahan tersebut, contoh di daerah Lawas.
16. PR-1341-L72104
Tuan Zairil Khir Johari [Bukit Bendera] minta **MENTERI PENDIDIKAN** menyatakan *Dual Language Programme* yang diumumkan Perdana Menteri dalam Belanjawan 2016, termasuk kos dan jumlah sekolah yang terlibat.
17. PR-1341-L73500
Tan Sri Datuk Seri Panglima Joseph Pairin Kitingan [Keningau] minta **MENTERI SUMBER MANUSIA** menyatakan bagaimana keperluan mengimport 1.5 juta rakyat Bangladesh sebagai tenaga pekerja di Malaysia diperolehi dan bolehkah beliau memberi data yang lebih terperinci.
18. PR-1341-L73195
Dato' Seri Abdul Hadi bin Awang [Marang] minta **MENTERI PENDIDIKAN** menyatakan sejauh manakah keseriusan Kerajaan Malaysia berpegang kepada keputusan Jemaah Menteri yang memutuskan dasar Pengajaran dan Pembelajaran Sains dan Matematik dalam Bahasa Inggeris (PPSMI) dimansuhkan dan apakah kerelevanan pelaksanaan program Dual Language Program (DLP) dilaksanakan setelah melihat ia mirip dengan PPSMI.

19. PR-1341-L72971
Dato' Ir. Haji Nawawi bin Ahmad [Langkawi] minta **MENTERI KEWANGAN** menyatakan jumlah kes penyeludupan di Langkawi yang berjaya dibanteras oleh pihak kastam dalam tempoh masa lima tahun lepas serta penyeludupan apakah yang tertinggi telah dilaporkan.
20. PR-1341-L73035
Tuan Loke Siew Fook [Seremban] minta **PERDANA MENTERI** menyatakan secara terperinci apakah program yang dilaksanakan di bawah Butiran Projek 00108 Program Pembangunan di bawah Jabatan Perdana Menteri dan bagaimanakah peruntukan RM610 juta tersebut dibelanjakan.
21. PR-1341-L73369
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI PENDIDIKAN** menyatakan apakah langkah-langkah dan tindakan yang diambil oleh Kerajaan untuk memperkasakan tulisan jawi di aliran perdana dan terutamanya generasi akan datang.
22. PR-1341-L72069
Tuan Tan Kok Wai [Cheras] minta **MENTERI SUMBER MANUSIA** menyatakan bilangan pekerja dalam bidang masing-masing yang diberhentikan dalam tempoh 3 tahun lepas berikutan kegawatan ekonomi dan lebih bekalan. Apakah strategi yang telah Kerajaan laksanakan untuk mengubahsuai dasar sumber manusia negara.
23. PR-1341-L73124
Dato' Abdul Manan bin Ismail [Paya Besar] minta **MENTERI PELANCONGAN DAN KEBUDAYAAN** menyatakan potensi Malaysia dalam meraih pendapatan negara berikutan dasar baharu Kerajaan membenarkan pelancongan dari China masuk tanpa memerlukan visa mulai 1 Mac 2016 hingga 31 Disember 2016.
24. PR-1341-L71942
Dr. Lee Boon Chye [Gopeng] minta **PERDANA MENTERI** menyatakan pendirian Kerajaan terhadap perkhidmatan Uber memandangkan perkhidmatan tersebut telah mengancam perkhidmatan teksi biasa.
25. PR-1341-L71968
Dr. Mansor bin Abd Rahman [Sik] minta **MENTERI KOMUNIKASI DAN MULTIMEDIA** menyatakan adakah terdapat '*Task Force*' yang diwujudkan untuk menangani fitnah dan propaganda jahat bagi meruntuhkan nilai-nilai murni serta kesejahteraan rakyat.
26. PR-1341-L71847
Dato' Johari bin Abdul [Sungai Petani] minta **PERDANA MENTERI** menyatakan :-
 - (a) berapa jumlah pelajar Tajaan JPA, MARA dan lain-lain Kementerian yang mendapat biasiswa pada tahun 2000 hingga 2015; dan

- (b) berapa dari jumlah ini yang akan dipotong pada tahun ini dan tahun-tahun mendatang dan apakah rasional pemotongan tersebut.
27. PR-1341-L72535
Dato' Haji Irmohizam bin Haji Ibrahim [Kuala Selangor] minta **MENTERI DALAM NEGERI** menyatakan :-
- (a) bilakah Kementerian bercadang untuk mengkaji kadar kompaun bagi kesalahan trafik memandangkan kadar sedia ada telah diguna pakai sejak tahun 1987; dan
- (b) sejauh manakah kadar kompaun baharu, sekiranya dinaikkan, dapat membantu dalam mengurangkan kadar kemalangan jalan raya.
28. PR-1341-L72675
Tuan Shamsul Iskandar bin Mohd Akin [Bukit Katil] minta **MENTERI KEWANGAN** menyatakan secara terperinci perancangan dan strategi yang akan dilaksanakan Kerajaan sekiranya hasil Perbendaharaan Negara melalui Akaun Kewangan disatukan tidak mampu mencapai sasaran peruntukan belanjawan sebanyak RM258.2 bilion daripada peruntukan asal belanjawan 2016 sebanyak RM267.2 bilion akibat daripada kejatuhan berterusan minyak mentah Brend di pasaran.
29. PR-1341-L73047
Dato' Shamsul Anuar bin Haji Nasarah [Lenggong] minta **MENTERI KESIHATAN** menyatakan :-
- (a) apakah status terkini mengenai rokok elektronik/vape yang telah diputuskan oleh Kementerian; dan
- (b) sejauh manakah penyelidikan yang telah dilakukan oleh Kementerian melalui rampasan cecair yang dikeluarkan oleh pengusaha rokok elektronik dan adakah notis telah diberikan kepada pengusaha tersebut sebelum serbuan dan rampasan dilakukan
30. PR-1341-L73085
Tuan William Leong Jee Keen [Selayang] minta **PERDANA MENTERI** menyatakan kedudukan Kerajaan terhadap UBER, Grabcar dan Blacklane yang mana pengusaha-pengusaha menggunakan kenderaan peribadi mereka untuk tujuan komersial yang pada masa kini telah menjejaskan mata pencarian pemandu-pemandu teksi.
31. PR-1341-L71837
Datuk Aaron Ago anak Dagang [Kanowit] minta **MENTERI DALAM NEGERI** menyatakan langkah-langkah jangkamasa panjang serta tahap kesiapsiagaan pihak Kementerian dalam membanteras jenayah pemerdagangan manusia di negara kita.

32. PR-1341-L72616
Puan Kasthuriraani a/p Patto [Batu Kawan] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah puncanya peningkatan harga barangan selepas implimentasi GST walaupun telah diberi jaminan oleh KPDNKK serta apakah usaha Kerajaan untuk mengawal peningkatan harga barangan terutama sekali makanan.
33. PR-1341-L71941
Dr. Lee Boon Chye [Gopeng] minta **MENTERI DALAM NEGERI** menyatakan jumlah pekerja asing yang sedia ada mengikut negara asal mereka.
34. PR-1341-L72676
Tuan Gobind Singh Deo [Puchong] minta **MENTERI DALAM NEGERI** menyatakan langkah-langkah yang telah diambil berkenaan laporan polis no: SG RENGIT/001036/14 bertarikh 4.11.2014 dan kenapa tiada tindakan diambil sehingga kini.
35. PR-1341-L72901
Tuan Lim Lip Eng [Segambut] minta **PERDANA MENTERI** menyatakan adakah wang derma atau sumbangan ikhlas tanpa balasan kepada ahli politik, pegawai pendakwa raya, hakim, anggota polis dan kakitangan Kerajaan tidak melanggar Seksyen 165 Kanun Keseksaan atau Seksyen 3 Akta Suruhanjaya Pencegahan Rasuah Malaysia 2009. Bukankah menerima wang derma merupakan salah satu bentuk suapan.
36. PR-1341-L72434
Datuk Ikmal Hisham bin Abdul Aziz [Tanah Merah] minta **PERDANA MENTERI** menyatakan adakah Kerajaan bercadang mewujudkan 'One Stop Centre' bagi menempatkan bantuan makanan dan keperluan asas kepada penduduk yang dilanda banjir dan bencana alam lain.
37. PR-1341-L73395
Dato' Fauzi bin Abdul Rahman [Indera Mahkota] minta **MENTERI KEWANGAN** menyatakan jumlah hutang Negara terkini, termasuk sebarang bentuk "Letters of Guarantee", "Letters of Support"• atau "Letters of Comfort". Nyatakan nisbahnya kepada GDP Negara.
38. PR-1341-L72500
Dr. Ong Kian Ming [Serdang] minta **PERDANA MENTERI** menyatakan status terkini Projek *Tanjong Agas Oil and Gas Supply Base*• dan "Karambunai Eco-Resort"• dan juga dana *Faciliation Fund*• yang telah dibelanjakan ke atas kedua-dua projek ini.
39. PR-1341-L72832
Puan Teo Nie Ching [Kulai] minta **PERDANA MENTERI** menyatakan adakah Pejabat Perdana Menteri melarang media-media atas talian seperti Malaysiakini, The Malaysian Insider, Malay Mail Online untuk membuat liputan atas aktiviti Pejabat Perdana Menteri walaupun mereka ada permit media yang sah. Nyatakan sebab-sebab larangan.

40. PR-1341-L73314
Dato' Dr. Tan Kee Kwong [Wangsa Maju] minta **PERDANA MENTERI** menyatakan adakah sebarang pendakwaan terhadap mana-mana individu terhadap isu 1MDB.
41. PR-1341-L72770
Tuan Julian Tan Kok Ping [Stampin] minta **MENTERI DALAM NEGERI** menyatakan daripada 1.5juta rakyat Bangladesh yang akan dibawa masuk, berapa jumlah yang akan ditempatkan di Sarawak. Sehingga terkini, berapa jumlah warga pekerja asing yang berada di Sarawak, sila senaraikan mengikut negara mereka serta tarikh masuk mereka ke Sarawak sehingga sekarang.
42. PR-1341-L72446
Puan Siti Zailah binti Mohd Yusoff [Rantau Panjang] minta **MENTERI KERJA RAYA** menyatakan bilakah pembesaran dan pelebaran jalan ke Pekan Rantau Panjang akan dilaksanakan terutama dalam kawasan bebas cukai Rantau Panjang yang terlalu sesak, terutama di musim cuti umum dan perayaan.
43. PR-1341-L72353
Dr. Hajah Siti Mariah binti Mahmud [Kota Raja] minta **MENTERI KESIHATAN** menyatakan jumlah graduan doktor, doktor gigi dan ahli farmasi yang berdaftar dengan Kementerian Kesihatan yang sedang menunggu panggilan untuk penempatan latihan.
44. PR-1341-L71977
Puan Teresa Kok Suh Sim [Seputeh] minta **PERDANA MENTERI** menyatakan anggaran jumlah kos yang diijamatkan bila Kerajaan membatalkan 700 biasiswa untuk melanjutkan pelajaran ke luar negara. Nyatakan jumlah pelajar yang belajar di luar negara di bawah tanggungan Kerajaan dan kos yang terlibat.
45. PR-1341-L72892
Datuk Hajah Norah binti Abd Rahman [Tanjong Manis] minta **MENTERI KESIHATAN** menyatakan sama ada Kementerian dapat menyediakan satu program lawatan berkala dua minggu sekali oleh doktor bertauliah untuk kawasan pedalaman di Sarawak yang jarang dilawati oleh doktor seperti di Berangan (Pulau Bruit), Mupong (Daerah Meradong), Sare, Sentebu, Bukit Kinyau (Daerah Sarikei) terutamanya bagi warga emas dan OKU yang tiada keupayaan untuk ke hospital.
46. PR-1341-L73543
Dato' Seri Mohamed Azmin bin Ali [Gombak] minta **MENTERI WILAYAH PERSEKUTUAN** menyatakan apakah Kerajaan menyedari dan sudah mengenal pasti beberapa kawasan di Kuala Lumpur yang berpotensi dibangunkan semula (re-generasi).

47. PR-1341-L72397
Tuan Liew Chin Tong [Kluang] minta **MENTERI PERTAHANAN** menyatakan dengan terperinci tanah pangkalan-pangkalan tentera atau tanah milikan Kementerian Pertahanan yang dicadang untuk ditukar ganti (*swap*) milik tanah:-
- (a) senarai nama pangkalan terlibat dan kos ditukar ganti (*swap*) milik, seperti Kem Sungai Besi dan Kem Majidee; dan
 - (b) senaraikan syarikat yang terlibat.
48. PR-1341-L72174
Datuk Mohd Idris bin Jusi [Batu Pahat] minta **MENTERI SUMBER MANUSIA** menyatakan rasional mengapa perlunya membawa masuk ke Malaysia 1.5 juta warga Bangladesh dalam suasana ekonomi yang tidak stabil, warga asing yang sudah sedia ramai dan terdapatnya pengangguran di kalangan belia-belia tempatan lepasan SPM.
49. PR-1341-L72702
Tuan Teo Kok Seong [Rasah] minta **MENTERI PENDIDIKAN TINGGI** menyatakan :-
- (a) sejak bila Kerajaan mula membuat kajian untuk mengiktiraf Sijil Peperiksaan Bersama (*Unified Examination Certificate-UEC*); dan
 - (b) mengapakah sijil UEC diiktiraf oleh institusi-institusi pengajian tinggi terkemuka dunia tetapi tidak diiktiraf di Malaysia.
50. PR-1341-L72151
Tuan Idris bin Haji Ahmad [Bukit Gantang] minta **MENTERI KERJA RAYA** menyatakan adakah Kerajaan bercadang untuk memberi diskaun tol kepada pengguna kad Touch n Go memandangkan sudah banyak konsesi lebuhraya menggunakan kaedah pembayaran secara elektronik sepenuhnya.
51. PR-1341-L72603
Tuan Chua Tian Chang @ Tian Chua [Batu] minta **MENTERI PENGANGKUTAN** menyatakan apakah status sistem KEJARA di Malaysia yang diminta dilaksanakan secepat mungkin oleh Ketua Polis Negara. Bukankah sistem ini dijalankan semenjak beberapa tahun yang lalu, dan nyatakan sebab-sebab ia tidak dikuat kuasakan.
52. PR-1341-L72868
Tuan Sim Tze Tzin [Bayan Baru] minta **PERDANA MENTERI** menyatakan nama penderma RM2.6 bilion kepada akaun peribadi Perdana Menteri dan nyatakan menerima dermaan sebegini besar melanggar sebarang kod etika penjawat awam atau *integrity pledge* yang dilancarkan oleh Kerajaan.

53. PR-1341-L73585
Tuan Oscar Ling Chai Yew [Sibu] minta **PERDANA MENTERI** menyatakan di mana datangnya wang RM2.6 billion itu dan apakah tujuan wang tersebut. Bolehkah sebagai pemimpin negara boleh menerima wang tersebut tetapi tidak didakwa bawah Akta Rasuah.
54. PR-1341-L72817
Datuk Dr. Makin @ Marcus Mojigoh [Putatan] minta **MENTERI KOMUNIKASI DAN MULTIMEDIA** menyatakan apakah tindakan yang diambil oleh pihak Kementerian keatas keluhan rakyat mengenai dengan mutu perkhidmatan poslaju yang kerap menghantar lewat mel yang sepatutnya untuk serahan segera terutamanya sekali mel-mel Kerajaan.
55. PR-1341-L72587
Puan Alice Lau Kiong Yieng [Lanang] minta **MENTERI DALAM NEGERI** menyatakan jumlah anggota polis di Sibu dan adakah pihak polis mengalami kekurangan anggota polis serta bilakah pihak Kementerian bercadang untuk meletakkan jurubahasa atau "*interpreter*" di setiap pejabat polis memandangkan masih banyak orang di Sibu tidak faham Bahasa Melayu atau Bahasa Inggeris.
56. PR-1341-L72366
Datuk Juslie bin Ajirol [Libaran] minta **PERDANA MENTERI** menyatakan kekukuhan kewangan dan kebajikan pendeposit Tabung Haji dalam institusi kewangan dan kebajikan Islam di negara ini.
57. PR-1341-L73489
Datuk William @ Nyallau anak Badak [Lubok Antu] minta **MENTERI KEMAJUAN LUAR BANDAR DAN WILAYAH** menyatakan agensi mana sebenarnya yang bertanggungjawab yang memantau dan mengawasi pelaksanaan projek bekalan elektrik luar bandar serta memastikan pihak kontraktor melaksanakan projek mengikut spesifikasi dan jadual siap projek yang ditetapkan oleh Kementerian.
58. PR-1341-L73324
Dato' Othman bin Aziz [Jerlun] minta **MENTERI PERUSAHAAN PERLADANGAN DAN KOMODITI** menyatakan kesan dasar Kerajaan Perancis yang mengenakan import duti yang tinggi terhadap minyak sawit dan kesan kenyataan ahli akademik Singapura kononnya minyak sawit tidak baik untuk kesihatan.
59. PR-1341-L73460
Tuan Wong Ling Bui [Sarikei] minta **MENTERI PERUSAHAAN PERLADANGAN DAN KOMODITI** menyatakan bahawa selepas TPPA ditandatangani, berapakah agaknya jumlah peningkatan kuantiti bagi penjualan Crude Palm Oil (CPO). Adakah "*duty paid*"• bagi import Crude Palm Oil sama dengan "*soybean*" selepas TPPA ditandatangani.
60. PR-1341-L71926
Datuk Linda Tsen Thau Lin [Batu Sapi] minta **MENTERI DALAM NEGERI** menyatakan asas untuk kenaikan levi pekerja asing dari bulan Februari 2016.

61. PR-1341-L71947
Dr. Lee Boon Chye [Gopeng] minta **MENTERI KESIHATAN** menyatakan jumlah kes denggi setiap tahun sejak tahun 2010.
62. PR-1341-L72167
Dr. Michael Jeyakumar Devaraj [Sungai Siput] minta **MENTERI DALAM NEGERI** menyatakan langkah-langkah yang sedang diambil untuk mengurangkan jumlah Pendatang Asing Tanpa Izin di Malaysia kerana kehadiran 3.5 juta PATI sedang menjejaskan paras gaji pekerja am tempatan.
63. PR-1341-L72381
Tuan Tony Pua Kiam Wee [Petaling Jaya Utara] minta **MENTERI DALAM NEGERI** menyatakan sama ada Ahli Parlimen Petaling Jaya Utara merupakan seorang saksi membantu polis dalam siasatan kes kanun jenayah 124B, atau merupakan seorang suspek dalam siasatan tersebut.
64. PR-1341-L72232
Tuan Wan Hasan bin Mohd Ramli [Dungun] minta **MENTERI KERJA RAYA** menyatakan bilakah kerja-kerja pembaikpulihan jalan-jalan mendap dan runtuh di laluan 128 Jalan Pasir Raja akibat banjir 2014 akan dilakukan.
65. PR-1341-L71815
Tuan Fong Kui Lun [Bukit Bintang] minta **MENTERI KEWANGAN** menyatakan aduan-aduan GST yang diterima dan diselesaikan sehingga Januari 2016 serta kes-kes GST yang dibawa ke mahkamah atas pelbagai tuduhan selama ini.
66. PR-1341-L72652
Dato' Ngeh Koo Ham [Beruas] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan kenapa harga pasaran antarabangsa gula putih hanya lebih kurang RM1.60 sekilo tetapi harga runcit gula putih di Malaysia masih RM2.85 sekilo. Kenapa Kementerian tidak membatalkan hak monopoli beberapa syarikat untuk mengimpor gula putih di Malaysia.
67. PR-1341-L73218
Tuan Wong Tien Fatt @ Wong Nyuk Foh [Sandakan] minta **MENTERI KOMUNIKASI DAN MULTIMEDIA** menyatakan apakah purata kelajuan download (*atau download Speed*) bagi pecahan daerah-daerah di Negeri Sabah berbanding dengan Semanjung Malaysia. Apakah inisiatif Kerajaan untuk menaik taraf kemudahan internet di negeri Sabah.
68. PR-1341-L72242
Dato' Hasbullah bin Osman [Gerik] minta **PERDANA MENTERI** menyatakan adakah pihak Kerajaan telah merancang satu kerangka ekonomi baru yang mampu untuk memperkukuhkan lagi ekonomi negara kita menjelang tahun 2020.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Tuan Haji Ahmad Lai bin Bujang [Sibuti] dan masalah dicadangkan :-**

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Keempat, Parlimen Yang Ketiga Belas.”

Menyambung semula Perbahasan atas masalah (15 Mac, 2016)

- | | | | |
|----|----------------|--|-------------------------------|
| 2. | (D.R. 36/2015) | Rang Undang-undang Keselamatan Sosial Pekerja (Pindaan) 2015 | Bacaan Kali Yang Kedua |
| | | [Menteri Sumber Manusia] | |
| 3. | (D.R. 30/2015) | Rang Undang-undang Syarikat 2015 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 4. | (D.R. 29/2015) | Rang Undang-undang Skim Kepentingan 2015. | “ |
| | | [Menteri Perdagangan Dalam Negeri, Koperasi dan Kepenggunaan] | |
| 5. | (D.R. 34/2015) | Rang Undang-undang Dadah Berbahaya (Langkah-Langkah Pencegahan Khas) (Pindaan) 2015. | “ |
| | | [Menteri Dalam Negeri] | |
| 6. | (D.R. 37/2015) | Rang Undang-undang Profesion Undang-undang (Pindaan) 2015 | “ |
| | | [Menteri di Jabatan Perdana Menteri] | |

7. (D.R. 39/2015) Rang Undang-undang Kanak-Kanak “
(Pindaan) 2015
**[Menteri Pembangunan Wanita,
Keluarga dan Masyarakat]**
8. (D.R.9/2015) Rang Undang-undang Kanun Tatacara “
Jenayah (Pindaan) 2015
[Menteri di Jabatan Perdana Menteri]
9. (D.R.12/2015) Rang Undang-undang Keterangan “
(Pindaan) 2015
[Menteri di Jabatan Perdana Menteri]
10. (D.R.35/2015) Rang Undang-undang Persaingan “
(Pindaan) 2015
**[Menteri Perdagangan Dalam Negeri,
Koperasi dan Kepenggunaan]**

11. PR-1341-U72985
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa pembangunan infrastruktur di negeri Sabah masih jauh ketinggalan berbanding dengan negeri-negeri lain di Malaysia. Dan mengambil maklum juga bahawa negeri Sabah memerlukan lebih banyak dana demi untuk membangunkan kemudahan infrastruktur terutama sekali di kawasan luar bandar serta keperluan-keperluan lain seperti masalah tebatan banjir, projek perumahan rakyat termiskin dan lain-lain. Dan mengambil maklum juga bahawa rakyat negeri Sabah juga beraspirasi seperti rakyat negeri Sarawak, sepertimana yang dinyatakan oleh YAB Tan Sri Adenan Satem (Ketua Menteri Sarawak) ingin memohon agar royalti minyak dapat dinaikkan kepada kadar 20%. Dan mengambil maklum juga, sekiranya royalti minyak dinaikkan pada kadar 20%, maka dengan lebih dana tersebut, kerajaan negeri Sabah akan dapat melaksanakan keperluan-keperluan di atas dengan lebih baik dan cepat lagi. Maka, bagi meredakan rungutan dan tuntutan rakyat negeri Sabah, maka Dewan yang mulia ini hendaklah mengambil ketetapan bahawa Kerajaan Malaysia menaikkan kadar royalti minyak bagi negeri Sabah kepada kadar 20% dan sekaligus membolehkan negeri Sabah membangun dengan lebih pesat lagi."

[Perdana Menteri]

12. PR-1341-U73002

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kesesakan Jalan Putatan merupakan rungutan hampir setiap pengguna jalan tersebut. Dan mengambil maklum juga bahawa Jalan Putatan merupakan sebahagian daripada rangkaian Jalan Pan Borneo Highway yang mana sepatutnya mendapat perhatian utama dan bebas kesesakan. Dan mengambil maklum juga, bahawa kesesakan Jalan Putatan juga disebabkan rekabentuk yang kurang baik di mana terdapat terlalu banyak U-Turn dan simpang, yang menjadi penyebab utama kelancaran aliran trafik selain menjadi punca kemalangan. Dan mengambil maklum juga, bahawa kesesakan Jalan Putatan dapat diatasi dengan membina sebatang Jalan Pantai (Coastal Highway) alternatif yang menghubungkan pekan Tanjung Aru dengan Pekan Kinarut. Dan mengambil maklum juga bahawa, sekiranya jalan pantai alternatif yang dimaksudkan dibina, ianya juga boleh membantu untuk mengelakkan hakisan pantai di sepanjang laluan tersebut. Dan mengambil maklum juga bahawa, untuk membina jalan baru sebagai laluan alternatif bagi Jalan Putatan akan menelan belanja yang besar terutama sekali bagi tujuan pampasan tanah yang dilalui. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah membina jalan pantai alternatif bagi Jalan Putatan demi untuk keselesaan rakyat yang menggunakan laluan tersebut."

[Menteri Kerja Raya]

13. PR-1341-U73023

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa keengganan Kerajaan Persekutuan untuk mengiktiraf keputusan Peperiksaan Unified Examination Certificate (UEC) telah menimbulkan banyak kontroversi dan masalah terutama sekali kepada pelajar dan ibu/bapa pelajar yang terlibat. Dan mengambil maklum juga bahawa Negeri Sarawak merupakan negeri pertama di negara ini yang mengiktiraf keputusan peperiksaan UEC sepertimana yang diumumkan oleh YAB Tan Sri Adenan Satem dan sekali gus membolehkan pelajar terlibat meneruskan pengajian mereka dengan tanpa halangan di negeri Sarawak, misalnya di Universiti Malaysia Sarawak. Dan mengambil maklum juga bahawa dengan keengganan Kerajaan Malaysia untuk mengiktiraf keputusan peperiksaan UEC, pelajar yang terlibat terpaksa meneruskan pendidikan mereka di luar negara dan seterusnya bekerja serta menetap di luar negara adalah merupakan kerugian besar negara sebagaimana yang ditekankan oleh YAB Ketua Menteri Sarawak. Dan mengambil maklum juga, bahawa ramai pelajar dan ibu/bapa menganggap bahawa polisi untuk tidak mengiktiraf keputusan peperiksaan UEC ini bersifat diskriminasi di mana pelajar tersebut tidak berpeluang untuk berkhidmat dengan sektor awam di Malaysia."

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah mengiktiraf keputusan peperiksaan Unified Examination Certificate bagi membolehkan pelajar yang terlibat meneruskan pendidikan mereka di negara ini serta berkhidmat di sektor awam di negara ini."

[Menteri Pendidikan]

14. PR-1341-U73036

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini. Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan perumahan yang terlibat tidak lagi efisien untuk merawat air kumbahan tersebut sebelum dilepaskan ke saliran-saliran atau parit-parit yang akhirnya mengalir ke Sungai Sembulan sebelum berakhir ke laut. Dan mengambil maklum juga bahawa sebahagian besar terumbu karang di sekitar perairan negeri Sabah telah musnah disebabkan oleh aktiviti manusia seperti pelepasan air kumbahan yang tidak terawat ke laut. Diketahui bahawa kemusnahan terumbu karang (Coral Bleaching) merupakan satu daripada penyebab utama pemanasan global. Dan mengambil maklum juga bahwa negara Malaysia adalah merupakan salah sebuah negara penyokong dan pendokong gerakan United Nation Environment Programme (UNEP) sesuai dengan deklarasi Global Climate Change Conference, Copenhagen 2009. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah menyediakan satu dana khas bagi tujuan pembinaan loji rawatan air kumbahan di sekitar Sungai Sembulan sebelum air sungai tersebut dilepaskan ke laut bagi menyelamatkan ekosistem laut negara ini."

[Menteri Sumber Asli dan Alam Sekitar]

15. PR-1341-U71877

Tuan M. Kulasegaran [Ipoh Barat] akan mencadangkan:-

"Bahawa Dewan ini hendaklah mengambil maklum bahawa rang undang-undang harus digubal untuk mengelakkan kes penukaran agama kanak-kanak di bawah umur secara unilateral dengan adanya penguatkuasaan undang-undang yang sewajarnya serta berpadanan dengan nasihat Kabinet pada 2009 iaitu kanak-kanak dikekalkan agama asal mereka sebelum penukaran agama itu berlaku."

[Perdana Menteri]

16. PR-1341-U73419

Dr. Tan Seng Giaw [Kepong] akan mencadangkan:-

"Bahawa Dewan akan membincangkan keberkesanan Malaysia mencegah serangan ganas."

[Menteri Dalam Negeri]

17. PR-1341-U71858

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

18. PR-1341-U71862

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

19. PR-1341-U71883

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum serta menyedari bahawa Lembaga Tabung Haji adalah sebuah institusi kewangan yang penuh dengan kejayaan dan amat membanggakan rakyat Malaysia khususnya umat Islam. Institusi ini juga menjadi contoh untuk negara Islam yang lain ikuti. Maka ianya mesti dijaga dengan penuh ketelusan dan amanah. Sebarang penyelewangan wajib diambil tindakan pantas dan menyeluruh dan jika ianya runtuh maka orang yang mesti dipersalahkan ialah Perdana Menteri."

[Perdana Menteri]

20. PR-1341-U71884

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum bahawa Yayasan Pembangunan Ekonomi Islam Malaysia (YaPEIM) sebuah pertubuhan yang mendapat sokongan umat Islam di Malaysia."

Yayasan ini tertegak dengan niat yang penuh suci bagi membangunkan ekonomi umat Islam di samping menolong mereka yang tidak bernasib baik. Oleh sebab itu sokongan berterusan dari individu dan institusi kepada Yayasan ini membuktikan umat Islam negara ini amat prihatin dengan apa yang terjadi dalam masyarakat Islam. Tetapi membiarkan segelintir individu mengambil kesempatan dari kejayaan Yayasan ini hendaklah dikutuk sekeras-kerasnya. Tindakan lembab oleh Menteri dan Kerajaan dalam memantau perjalanan kewangan Yayasan ini juga harus menerima celaan. Sepatutnya semua pihak yang membelanjakan wang YaPEIM bukan pada tempatnya walaupun 'legally right' tetapi tetap 'morally wrong', mesti bertanggung jawab dan meletakkan jawatan atas kadar segera."

[Perdana Menteri]

21. PR-1341-U71886

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum kehidupan rakyat makin dihipit dengan harga barangan yang makin naik dan tidak terkawal akibat pengenalan cukai GST dan pengecilan nilai Ringgit. Semua rakyat di setiap lapisan masyarakat amat merasai keadaan ini. Kerajaan harus bertindak berani seperti yang pernah dilakukan oleh Mantan Perdana Menteri Tun Dr Mahathir Mohamad bila negara menghadapi masalah ekonomi yang mencemaskan pada penghujung tahun 90an. Tindakan utama yang mesti diambil sekarang ialah dengan mengurangkan perbelanjaan di Jabatan Perdana Menteri dan Kerajaan mesti mengamalkan sikap berjimat cermat di semua peringkat pentadbiran negara."

[Menteri Kewangan]

22. PR-1341-U71888

Dato' Johari bin Abdul [Sungai Petani] akan mencadangkan:-

"Bahawa Dewan ini menggesa Kementerian Pendidikan mengambil langkah-langkah segera supaya pelajar-pelajar kita mempunyai pengetahuan dan kebolehan bertutur dalam banyak bahasa terutamanya Bahasa Inggeris, Arab dan Mandarin akan membantu pelajar-pelajar kita bila meninggalkan alam persekolahan dan universiti nanti. Bahasa ini amat luas digunakan dalam kegiatan harian dan perniagaan dalam negeri dan luar negara. Majikan pasti akan mengambil pekerja yang berkebolehan lebih dari satu bahasa, kerana ianya akan menguntungkan majikan dalam banyak aspek. Ketiga-tiga bahasa ini bukanlah sesuatu yang asing bagi kita. Kerajaan harus melihat bagaimana mengintegrasikan pengajaran bahasa-bahasa ini ke dalam sistem pendidikan yang sedia ada. Bayangkan seorang anak Malaysia fasih berbahasa Inggeris, Arab, Mandarin dan dapat mengungkapkan Bahasa Malaysia yang teratur. Sayang sekali apa yang kita sedia ada tidak dimanfaatkan untuk generasi akan datang."

[Menteri Pendidikan]

23. PR-1341-U71890

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum data jumlah pendatang asing yang berdokumen dan tidak berdokumen akan berbeza dari satu agensi kerajaan dengan agensi yang lain. Malah Menteri sendiri menjawab dalam Dewan Parlimen dengan menggunakan perkataan "ini anggaran". Ini bermaksud tiada siapa yang mempunyai data sebenar tentang berapa jumlah Bukan Rakyat Malaysia yang berada di sini. Ini amat membahayakan negara. Kerajaan mesti mengambil tindakan yang berterusan bagi mendaftar mereka yang tidak berdokumen. Tindakan mendaftar dengan mengambil tindakan undang-undang terhadap mereka adalah dua perkara yang berbeza. Yang penting adalah setiap manusia yang berada di negara ini mesti mempunyai dokumen. Tindakan segera mesti diambil dan mestilah berterusan."

[Menteri Dalam Negeri]

24. PR-1341-U72582

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu dketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

25. PR-1341-U72584

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

26. PR-1341-U72589

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

27. PR-1341-U72617

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini akan menggesa Kerajaan untuk menegakkan prinsip berkecuali sebagaimana yang ditetapkan dalam Non-Alliance Movement (NAM) dan menegaskan bahawa Malaysia tidak akan mengambil bahagian atau menghantar askar untuk menyertai gabungan tentera yang dipimpin Arab Saudi dalam serangan terhadap Yemen, Syria atau mana-mana negara di Timur Tengah."

[Menteri Luar Negeri]

28. PR-1341-U72624

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini menggesa Kerajaan untuk membantu penganggur dengan menyediakan bantuan kewangan secara tunai sebanyak RM1200 sebulan untuk tempoh 3 bulan selepas diberhentikan. Skim ini membolehkan pekerja-pekerja yang menganggur menjamin sara hidup mereka sewaktu mencari pekerjaan baru."

[Menteri Sumber Manusia]